

Postanite član!

Udruženja u Švedskoj okupljaju veliki broj građana i odlikuju se raznolikošću i aktivnim radom

Šta je razlog tome? Šta motivira građane da se angažiraju i učlanjuju u udruženja? Kako rade udruženja? Ovaj informativni list sadrži neke od odgovora na ta pitanja.

Udruženja – fantastičan vid okupljanja!

Udruženja su otvorena za sve. Udruživanje je neprikosnoveno pravo svih građana. Udruživanjem ostvarujete mogućnost angažiranja u oblastima koje smatrate značajnim, interesantnim i zabavnim. Istovremeno stičete priliku da sretnete mnoge osobe sa sličnim interesima.

Udruženja odlikuje odsustvo komercijalnog interesa

To zapravo znači da aktivni članovi udruženja – kako odrasli tako i djeca – rade u udruženjima u slobodno vrijeme i bez novčane naknade, drugim riječima *bez komercijalnog interesa*.

Značaj roditelja u udruženjima

Da bi djelatnosti za djecu i omladinu i ubuduće egzistirale, neophodna je spremnost roditelja da povremeno pružaju pomoć u radu udruženja. Pomoć se može sastojati od povremenih vožnji na hokejske utakmice ili takmičenja u plivanju, ili sudjelovanja u dječjim izletima u prirodi. Takvim angažiranjem se daje značajna podrška udruženju, gdje članovi rade dobrovoljno i u svoje slobodno vrijeme.

Motivirani rukovodioci i treneri

Bilo da je riječ o jahanju, šahu ili aktivnostima u prirodi – u pozadini uvijek postoje rukovodioci i treneri koji mladima daju podršku i motivaciju. Oni posvećuju svoje vrijeme radu u udruženju i preuzimaju na sebe odgovorne zadatke rukovođenja aktivnostima. Oni su također važan uzor mladima. Treneri i rukovodioci imaju svakako centralnu ulogu u našim udruženjima!

Udruženja žive zahvaljujući svojim članovima

Angažiranje članova i njihove aktivnosti najvažniji su elementi udruženja. Za ekonomiju su značajne *takse za sudjelovanje u aktivnostima i godišnje članarine*. Na njima se bazira ekonomija udruženja. Ponekad, udruženja mogu dobiti potporu od općina i drugih institucija. Novac je potreban, između ostalog za plaćanje zakupa prostorija i nabavku opreme.

Članovi sudjeluju u donošenju odluka

Nekomercijalna udruženja su *izgrađena na demokratskim osnovama*. To znači da Vi, kao član udruženja, imate pravo da sudjelujete u diskusijama i donošenju odluka o radu udruženja. Ta prava se ostvaruju na *godišnjoj skupštini* udruženja, gdje članovi donose odluke o djelatnosti i ekonomiji udruženja. Pored toga, na godišnjoj skupštini se biraju *članovi upravnog odbora udruženja*. Potom, do naredne godišnje skupštine, upravni odbor odgovara za tekući rad udruženja. Upravni odbor se također stvara da članovi udruženja slijede odredbe *statuta* udruženja. Statut sadrži pisana pravila o radu udruženja, te se može reći da predstavlja zakon udruženja.

U Malmeu postoji veliki izbor nekomercijalnih udruženja

Neka udruženja u Malmeu osnovana su prije više od stotinu godina, druga mnogo kasnije. *Sport* je oblast u okviru koje postoji najveći broj udruženja sa aktivnostima iz svih mogućih sportskih disciplina. U Malmeu postoje i *udruženja u oblasti kulture*. Ona se bave pozorištem, muzikom i igrom. Pored toga, postoje, na primjer, *udruženja za ljubitelje boravka u prirodi* i *vjerska udruženja*, kao i *udruženja* čiji se rad tiče *ljudskih prava, prava djeteta* i *zaštite čovjekove okoline*.